


Schwert



Ther
1771

19. 8. 84

R.

Im

ALPHABETUM
ANIMARUM
AD
LIBRVM
VITÆ
aspirantium,

AUTORE
R. P. WENCESLAO
Schwertfer Soc. JESU
Sacerdote

EDITIO IV.

Domi. Prob. S. I. ad S. Ioseph. S. S. Huius.



Cum licentiâ Superiorum.

Impressit NISSÆ, Ignacius
Constant; Schubart, Anno 1673.

ALLIANCE
ANNUARY
AD
LIBRARY



L

W
C

le

pr

r

f

a

a

i

l

r

i

l

i

l

i

l

i

l

i



LECTOR BENEVOLE.

Subjunxeram hoc ipsum Alphabetum libello meo de Crucifixo, ante annos facile septendecim: cum intelligo pro Manuali separatum desiderari, ut ex paucorum foliorum fasciculo melior ad ferendum ac legendum opportunitas accedat. Facio id tuæ gratiæ mi Lector: & me simul, velut Jobi folium annecto, ut ab aspirationibus tuis in sublime raptus, in LIBRUM VITÆ inserar, & unà tecum ex foliolis his quæ à vento bonorum desiderii.

orum rapiuntur, Potentia Divina ostensiones in aeternum decantem.

Nè verò te Modus & Fructus Aspirationum lateat: *Observa*, posse hos Actus applicari SSS. TRINITATI, JESU Crucifixo, aut, dum visitas, SS. SACRAMENTO. Sive ordinem Alphabeticum usurpes, sive litteras transilias; fusè vel breviter, sensum contrahendo vel explicando; verbis singulis: Adoro, Benedico, Credo &c. vel in paraphrasin ut subjungitur, dilatando; unum vel plures Actus; mente vel gravis, pro temporis circumstantia, & quantitate.

Fructus porrò bujus Exercitij

citij ac Devotionis P R I M O fa-
cilem memoriam Prasentiae Di-
vine inducet, cum nihil prom-
ptius occurrat, quam quolibet
littera signo mentis necessaria,
dabit S E C U N D O methodicam
occasionem magna merita coa-
cervandi; si prasertim cum
intensione ac fervore animi,
Actus eliciantur. T E R T I O,
magnos virtutum habitus pro-
ducet per actus toties frequen-
tatos, non tantum in planis
virtutibus, sed arduis etiam;
ijs vel maxime, quae frequen-
tes resolutiones, decreta, pro-
posita & occurrentes quosdam, si-
ve inculcationes persuasivas;
tam intellectui convincendo,
quam voluntati inflammande,
necessario requiruntur. Fa-




teor multos Actus in pijs Libellis elementari itidem ordine, propositos esse. Sed vel fusi sunt, vel affectibus, seu affectionibus quibusdam (vocaliter ac verbaliter plurimum usurpati) ferè magis deserviunt, quàm generosis animi decretis & impulsibus ad formandam, ex virtute practicam vitam, vel una demum specie sunt limitati.

Hoc verò Alphabetum, soli memoriae pro quovis tempore, sine usu, tandem libelli, servire potest, & methodum innuit, non tantùm variandi Actus sub uno Virtutis genere, cum insigni meritorum incremento: sed etiam per frequentes repetitiones, & quaedam
reso-



*resoluta Decreta , illuminat
Intellectum , cogit Volunta-
tem ad ejusmodi Actus in in-
stanti Virtutis occasione atq;
occurſu, DEI amore (practi-
cè ad morum & vitæ perfectio-
ris compositionem) exercen-
dos. Literam primam ordire
ſi placet , & ad SSS. TRI-
NITATEM, CHRISTUM
Crucifixum , vel Eucharisti-
cum (quando negotia ſeculo-
rum & ſalutis tuæ tractas) di-
rige , meiq; pariter (quod ſup-
plico) non obliſcere.*





ACTUS

ALPHABETICI.

ADORO te ô Æ-
terne DEUS! Pater
& Fili & Spiritus
sancte! Adoro in-
finitam Majestatem, Excel-
lentiam, Sanctitatem, Bo-
nitatem, Potentiam & Sa-
pientiam: Adorò te Trinum
& Unum, Adoro te benedi-
cte JESU in DEO Patre & spi-
ritu Sancto. Verum DEUM
& Hominem, In Immacula-
ta Virgine MARIA Matre
tua. In omnibus Angelis &
Elec-

Electis. In Cælo & in Terra.
In speciebus Venerabilis Sa-
cramenti per totum Orbem.
In Justis omnibus, ijs præfer-
tim, qui tibi ex ferventiori
amore, & fideliori servitio,
heroicis victorijs gustum præ-
bent.

Adoro in peccatoribus,
blasphemis, ingratis, infini-
tam Bonitatem tuam, letali-
bus peccatis offendentibus.
Adoro natum & reclinatum
in præsepio. Adoro laboran-
tem, & conversantem in ter-
ris. Adoro ad pedum lotio-
nem humiliatum, proditum,
captum, flagellatum, coro-
natum, illusum, Barabbæ
postpositum, condemnatum,
Crucem bajulantem, inter la-



trones reputatum , Crucifi-
xum, desolatum, morientem.
Adoro omnium peccatorum
locò ; totiesq; honorem o-
mnem affectu meo, vitâ meâ,
compensare desidero , quo-
ties illuderis , contemneris,
malâ vitâ blasphemaris, A-
doro Creantem & conservan-
tem omnia , Redimentem ,
vocantem , Sanctissimis Sa-
cramentis Ecclesiæ sanctæ Ca-
tholicæ providentem. Ado-
ro beneficientem probis &
improbis , omnia sanctissimè
in Orbe disponentem.

AMO te ô DEVS , amo
JESU amore meî Crucifixe !
Amo te super me & super o-
mnia desideria mea , unicum
desiderium meum ! Amo te
Pater

Pater mi & Domine mi, propter immensam charitatem, infinitam bonitatem, abyssalem misericordiam. Amo te super omnia creata, & amare volo in æternum. Neque aliud quidquam extra te amare volo, nisi secundum te & propter te. Nec salutem meam amo, nisi propter te, quia tibi placet, (quod spero) ut salves me. Amo te practicè omnibus viribus laborando (& patiando) propter te. Exemplum sumo à ferventibus Amatoribus tuis. Amore tuū decerno, me velle tibi sanctè (juxta morem Sanctorum) servire *fideliter* in omnibus etiam minimis, absq; ullo peccato; *ferventer*, mo-

do scilicet optimo quo pos-
sum, siue ut tu iussisti, ex to-
to corde & ex omnibus viri-
bus & decerno me velle vive-
re juxta voluntatem tuam, cui
me in prosperis & aduersis, in
vita & morte conformo. Pa-
ctum facio tecum amantissi-
me JESU, quod in æternum
nullo peccato voluntario te
offendere velim, ut dum à
multis peccatoribus offende-
ris & contristaris, à me pacem
habeas. Amo benefacien-
tem & castigantem. Amo si-
mul proximum propter te.
Amo & respicio te in Paupe-
ribus. Adversarijs verò me-
is, amore tuî parco, quos e-
tiam sicut voluisti, diligo.
Amo ut filius amantissimum
Pa-



Patrem , quem simul medul-
litus veneror , & cujus amore
vitam , si occasio ferat , pro
honore , pro amore , pro Ca-
tholica fide , pro justitia &
virtute , pro avertendis pec-
catis , pro compensatione in-
juriarum à peccatoribus facta-
rum , effundere libentissimè
decerno.

B E N E D I C O te & be-
nedico tibi Domine J E S U in
æternum benedicte ! Quoti-
es Peccatores lingvâ , vel ma-
lâ vitâ te blasphemant , toti-
es tibi benedico & lingua &
affectu , & omnibus viribus
meis , & vitâ ex legibus tuis
ordinata. Quandocunq; au-
diam blasphemiam quam-
cunque (quod absit !) à ne-

fariis peccatoribus proijci de
 sanctissima tua dispositione,
 de SS. Sacramentis, vel alia
 impia dicta maledico ac bla-
 sphemo ore jactari: toties ti-
 bi corde intimo benedicam.
 Benedico tibi specialiter in
 Cruce, in qua summè bla-
 sphematus, despectus, male-
 dictum factus es pro nobis.
 Benedico inquam, & omni-
 bus sceleratis Judæis, ac Inf-
 delibus te blasphemantibus,
 me oppono. Qui dum tibi
 maledicunt, ego clamo in-
 tensissimo affectu & amore;
 Benedictus DEUS! Benedi-
 ctus JESUS in æternum!
 Sit Nomen Domini benedi-
 ctum ex hoc nunc & usq; in
 seculum! Benedico tibi ô JE-
 SV



SU propter honorem . quem
& ob excellentiam sanctita-
temq; infinitam , & ob exina-
mitionem humiliationemq;
tuam abyssalem mereris. Be-
nedico etiam propter justiti-
am in Reprobos tuâ gratiâ
non utentes vel abutentes ,
administratam. Et quia fir-
missimè in misericordiâ tua
& meritis tuis confido , me
fore ex illis , quos tu aliquan-
do vocabis ad te dicens : *Ve-
nite Benedicti* ; ideo etiam ex
hoc motivo & ex hac fiducia,
incipio tibi dicere ac benedi-
cere : *Benedictus DEVS in æ-
ternum* !

CREDO te DEVM ef-
se unicum & verum , unicum
Dominum nostrum , Creato-
rem



rem cæli & terræ. Credo Pa-
trem & Filium & Spiritum
sanctum, tres Personas unum
DEVM. Credo JESVM Chri-
stum Filium DEI unigenitum,
natum ex MARIA Virgine,
passum pro salute nostra &
Crucifixum, constitutum à
Patre Judicem vivorum &
mortuorum. Credo unam,
sanctam, Catholicam & A-
postolicam Ecclesiam. Cre-
do omnia, quæcunq; eadem
sancta Romana Ecclesia cre-
denda præcipit, cujus me sen-
sibus omnibus subijcio. Dam-
no & anathematizo hæreses,
& quidquid est, quod Eccle-
sia damnat & anathematizat.
Credo specialiter illa omnia
quæ nostri temporis Hæretici

non



non credunt sed blasphemant. Credo sub speciebus panis & vini vivum & verum Corpus & Sangvinem esse Domini nostri JESU CHRISTI, quem in specie Panis, sive in Venerabili Sacramento in Ecclesijs conservato vel prostante ad venerationem, adoro & benedico.

COMMENDO tibi ô JESV spiritum meum, spiritum vocationis meæ; bonæ voluntatis meæ; conatum & progressum in virtutibus, ut gratijs tuis excites, illustres, inflammes ac impellas, corrobores & custodias in tuo famulatu ad mortem usq; Commendo meum propositum particulare, & illa decreta,

ta, quæ tibi servare, vel tuâ
 causa facere decrevi. Com-
 mendo hujus & illius negotij
 expeditionem. Commendo
 illos qui mihi crediti sunt &
 meæ curæ commissi; illos
 specialiter qui se meis ali-
 quando precibus, commen-
 daverunt. Commendo me-
 as animæ necessitates, Eccle-
 siæ, Religionis, publicas &
 privatas, gementium & af-
 flictorum, cruces meas, in-
 firmas vires meas, infirmos
 & agonizantes, in periculis
 animæ & corporis constitu-
 tos. Commendo corpus &
 animam hoc & ultimo vitæ
 meæ tempore. neque de ge-
 nere mortis esse sollicitus vo-
 lo, ita omnia fiant, sicut vis
 & me.



& mecum statuis , amantiſſi-
me mi Pater. In omnibus
tua voluntas fiat , ſicut in Cæ-
lo & in terra. Commendo
tibi omnem meū apud Supe-
riores providentiam & diſpo-
ſitionem , quoad locum & of-
ficium. Commendo caſti-
tatem , oculos præſertim &
cogitatus meos , ut tu ſancta-
piā & Paternā providentiā
teā occaſiones omnes mihi
nocituras ſubmoveas , inci-
dencias & objecta impediās
vel avertas. Omnia tibi pror-
ſus commendo , de nulla re
ad anxietatem , nec de me ,
ſed ſolo te ſolicitus eſſe volo.

D O L E O ex amore tui
ô infinita Bonitas , de omni-
bus peccatis meis , quibus te
aman-

amantissimum Patrem , infinitum Bonum , summè amabilem DE VM offendi. Retraeto penitus omnes consensus , quos contra voluntatem tuam aliquando admisi. Odi ac detestor peccatum ut rem summè abominabilem , summè malam , tuæ voluntati adversam , propter bonitatem tuam Domine ! Malo Domine milles mori , quàm te denovo minimo voluntario peccato offendere. Hucusq; sic terminus delictorum meorum , & non ultra in æternum ! Tollam & vitabo dispositiones , fugiam occasiones , peccati , has præsertim & illas mihi magis periculosas , quamdiu halitum traham ,

ham. Minima etiam peccata, pro magnis offensis reputabo, cum tibi res displicentes admittere, tuam voluntatem non facere, ut rem maximi momenti apprehendam. Ideoque omnia prorsus vitare firmissimè promitto. Doleo etiam summo dolore, quod offendaris ab hominibus, ingratis præsertim ijs, quibus bona temporalia vel spiritualia uberius communicas. Ita doleo de peccatis meis amore tuum Ô DEVS ! ut velim sanguine meo redimere tempus quo peccavi, ut non peccassem. Et quia hoc impedire non possum, sanguinem & merita JESU Crucifixi, vitam etiam meam pro
pec-



peccatis offero , mortis decretum libenter accepto & rogo , ut liberè disponas de vita mea , illam affligas in omnibus tam quoad famam & nomen , quàm quoad corpus; ut tibi immensæ Bonitati & Sanctitati à me offensæ, quod in unione meritorum JESV CHRISTI Crucifixi represento , satisfieri possit.

EX V L T O Domine in te solo & rebus tuis , nihilq; in mundo habere volo quod me afficiat , nisi te sapiat. Renuntio omni gustui & oblectationi sensuum propter me , sed solum illa , quæ me licitè aliquando oblectant , accepto propter te. Gaudeo quod tibi fideliter serviatur à
mul-



multis servis tuis. Quòd ho-
nor tuus & gloria tua per co-
tum mundum innotescat ,
quòd te omnis Creatura, DE-
VM & Dominum summum
recognoscat ; vel recogno-
scere debeat , quòd tibi Prin-
cipes Cæli & Terræ famulen-
tur. Exulto & gaudio propter
infinitam immensam Magni-
tudinem tuam, Excellentiam,
Bonitatem, Sapientiam, Po-
tentiam & Justitiam. Gaudeo
quòd tibi publicus honor in
mundo deferatur in Templis,
Processionibus, novis ac no-
vis amore tui devotionibus
excogitatis, famulatibus Re-
ligionum ac Sodalitatum.
Gaudeo quòd omnes Cæsares
& Reges terræ, te sicut ver-
miculi

miculi Creatorem, sicut mendiculi potentissimum, Optimum Maximum DEVM agnoscant & venerentur. Exulto & gaudeo, quod millia hominum amore tuū moriantur, vitam & sanguinem alij profundant, alij profunderē sint parati. Quod talentis suis à te datis utantur, strenuè laborent ac desudent usq; ad infirmitates, fractas propter te vires, usq; ad mortem. Exulto in fructu quem copiosum colligi video (majorem ac majorem desiderans) in conversione animarum. Exulto in Judicijs tuis quantūvis terribilibus, in omnibus sanctis dispositionibus tuis. Exulto in te unico mi DEVS, & gau-

& gaudijs mundi plane renuntio, floribus etiam & odoribus, rebusq; sapidioribus amore tui me privo, quia in te solo delectari cupio, rebusq; solùm illis, quæ cultum tuum concernunt.

FERO & patior amore tuî omnes Corporis & Animi molestias, has & illas præsertim, quæ tibi omnia pro gustu imprimis tuo, & pro gloria tua per totum Orbem dilatandæ; deinde in satisfactionem pro peccatis meis, & pro animabus in Purgatorio, afflictisq; omnibus, offero. Fero & patior amore tuî, omnem dispositionem aëris, intemperiem cæli, quæcunq;

B

fit;



fit; omnes adversitates, humilia-
tiones, vilipensiones, injurias, sitim, famem, pe-
nurias, incommoditates, hu-
mitem opinionem, sinistra ju-
dicia, interpretationes, ver-
ba contumeliosa, despectus,
humani favoris carentiam,
desolationes, & laborum o-
mnium molestias. Quæ o-
mnia, ut æquo animo perfe-
ram & libentiùs patiar, pro-
pono mihi pro motivo & I-
dea, te JESVM Crucifixum,
omnibus injuriis & oppro-
briis affectum, omnibus so-
latijs destitutum, conformans
me sanctissimæ voluntati tuæ,
gustui tuo, uniensq; meritis
tuis.

GRA.

GRATIAS AGO tibi Domine mi & Pater mi, propter magnam Gloriam tuam; gratias ago propter honorem & gloriam tuam, quam in omnibus sanctis, & ex illis per totum orbem propagari video. Gratias ago, quòd tibi fideliter seruiatur à multis servis tuis. Gratias ago pro illorum successibus, pro talentis naturæ & gratiæ. Gratias ago pro beneficijs, quæ Sanctissimæ Matri tuæ, quæ SS. Angelis, Sanctis omnibus, meis præsertim Patronis contulisti. Gratias ago pro omnibus spiritualibus & temporalibus beneficijs, Ecclesiæ & Religioni meæ concessis. Gratias a-

go pro instituto Venerabili
 Sacramento, Gratias ago pro
 beneficijs in justos & injustos
 collatis. Gratias ago pro Cre-
 atione, Redemptione, voca-
 tione, conservatione. Gra-
 tias ago pro tanta creatura-
 rum varietate, pulchritudi-
 ne, præstantia, non tantum
 ad nostram utilitatem & ne-
 cessitatem, sed etiam ad cor-
 poris & animi exhilarationē.
 Gratias ago pro amotis peri-
 culis & occasionibus peccan-
 di, pro liberatione à peccatis
 multis, pro spiritualibus vi-
 ctorijs amore tuī partis. Gra-
 tias ago pro Paterna guberna-
 tione & dispositione in rebus
 publicis & meis privatis; pro
 per-



permissionibus meo sensui
adversis, injurijs, humilibus
de me inter alios opinionib⁹,
hīs & illis adversitatibus, tem-
poralium jactura, corporis
infirmirate, cruce hac & illa
domesticâ, & internâ soli tibi
notâ. Gratias ago pro publicis
& privatis beneficijs notis &
incognotis, præteritis, præ-
sentibus & futuris; pro exhi-
bito mihi qualicunq; à crea-
turis honore, commoditate,
salvâ etiam in his & illis occa-
sionibus famâ meâ, Gratias a-
go pro felici & minùs fortu-
nato rerum mearum successu.
Quæ possum vel habeo, tua
sunt omnia, non mea; te fon-
tem & authorem rerum om-

nium mearum & successuum
agnosco ; ex me nihil sum ,
nec habeo.

HONORO & revereo r
infinitam Majestatem, Excel-
lentiam & sanctitatem tuam
profundissimo affectu. Domi-
nus meus es , ego servus &
Mancipium tuum ex natura.
Vita mea & mors mea in ma-
nibus tuis. Ideoq; te amo &
timeo omni tempore & loco;
revereor abyssalem Sanctita-
tem tuam , & exclamo cum
omnibus Angelis & Electis :
Sanctus, Sanctus, Sanctus do-
minus DEVS Sabaoth. Pleni
sunt cæli & terra Majestatis
gloriæ tuæ. Video humilita-
tem & nihilitatem meam , &
me

me & ex me coram infinita
 Excellentia tua sentio & agno-
 sco nihil esse. Quod si aliquis
 honor mihi à Creaturis im-
 pendatur, huic renuntio, to-
 tum in te transfero, quia tibi
 soli debetur laus, honor &
 gloria! Et quia scio, quòd
 tibi vehementer placeat, si in
 omnibus occasionibus humi-
 liter sentiam de me, non tan-
 tum respectu tuò, sed etiam
 respectu servorum tuorum,
 respectu officiorum, occupa-
 tionum: ideo ita me in corde
 geram, & plus sentiam de o-
 mnibus alijs quàm de me.
 Nunquam in oculis meis ali-
 us mihi apparebo, quàm mul-
 tis defectibus & periculis ob-

noxius, quàm vilior alijs, qui
 ex se nihil possit, nisi quod &
 quantum DEVS concedit.
 Honoro & revereor tuos Vi-
 carios, superiores meos, qui-
 bus me amore tuî libenter
 subijcio, totumq; cum amo-
 re & reverentia gubernandum
 trado. Honoro & revereor
 omnes res sacras, non ex con-
 suetudine tractans, sed ex ma-
 gno affectu, cæremonias, lip-
 sana, res benedictas, ob a-
 morem & reverentiam Excel-
 lentia sanctitatisq; tuæ à qua
 virtus omnis communica-
 tur. Honoro præsertim Im-
 mensitatem tuam sanctam,
 geramq; me cum omni de-
 centia morum ob tuî reveren-
 tiam

tiam, quæ tibi ô DEVS, abyssalis debetur!

IGNOSCO Domine amore tuî omnibus, qui me injurijs affecerunt totâ vitâ meâ, his & his præsertim; & qui causa vel occasio fuerunt mearum adversitatum, verecundiæ, & erubescentiæ, vilis æstimationis vel opinionis, directæ vel indirectæ afflictionis, humiliationis. Ignosco & amo amore tuî, rogoq; infinitam clementiam tuam, in unione actûs illius, quo ignosci inimicis tuis ab æterno Patre petivisti, ut nê statuas illis hoc peccatum; ut ignoscas; ut omnibus bonis in hac vita, honore, promo-

B;

tionem

tionē, famāq; optimā, & magnā in cælo gloria redones. Imò Domine, quicumq; vivunt inimici mei, vel mihi minùs faventes, illorum merita offero tibi pro gustu, mihi pro animæ salute. Qui verò vitā sancti me graviùs offenderunt, tuoq; jam conspectu salvi fruuntur, hos amore tuī in Patronos meos singulares deligo, tum per vitæ cursum, tum in articulo mortis. Et si charitas alterutri proximo sit exhibenda, illi ceteris paribus priùs exhibebo, qui me offendit, respectu cujus nullum unquam iudicium patefaciam, me illi non affici, sed verbo, consilio, & bonā famā apud alios juvabo.

LABO-

LABORABO Domine,
purè pro gloria tua, constan-
ter ac fideliter usq; ad mor-
tem, nihil aliud intendens,
quàm Gloriam tuam, & illam
quidem semper maiorem.
Laborabo cum fervore, in-
tensione, in parvis & magnis,
sinè plausûs & astimationis
venatione, purè propter te,
solum tuum honorem & glo-
riam (sinè ullo meo commo-
do) præ oculis & intentione
habendo. Laborabo indefes-
sè ac fructuosè, viribus omni-
bus. Otium omne ad ultimū
vitæ halitum fugiam, tempus
fideliter in ijs transigam, quæ
præsens officium exiger, Ho-
nor tuus & charitas anima-
rum postulabit.

MITISSIME Domine JESV, amore tuî cum omnibus in omni mansuetudine ac modestia morum, in spiritu pacifico amoris & charitatis procedam, verbo, calamo & vultu, neque ulli offensionē præbebo impatientiâ vel severitate. Omnia etiam in meliorem & mitiorem partem interpretabor, tam verbo quoad colloquia & sententiam de alijs, quàm interno sensu, absq; ullo temerario judicio. Modestiam etiam, sicut norma & leges exigunt, exactissimè servabo. Minima sicut Maxima curabo, quia tibi fervor & fidelitas in parvis, summè placet.

NOVE.

NOVERIM te, noverim
 me Domine, da mihi lumen
 illud, ut possim te agnoscere,
 & penitiùs perspicere infini-
 tam Bonitatem, Magnitudi-
 nem, Excellentiam, Sancti-
 tatem; quia si scintillam tui
 luminis, ô Æterne splendor,
 dederis, in solo tui amore ar-
 debo & vivam. Da Domine
 tui notitiam omnibus homi-
 nib9, ut omnes sciant, cogno-
 scant, reveantur & glorifi-
 cent te DEUM verum & quem
 misisti I E S U M Christum, no-
 strum omniù Iudicem futu-
 rum. Noscant te Domine o-
 mnes Peccatores & timeant.
 Noscant te Iusti, ampliùs, ac-
 tepidi, ut ferventiùs tibi servi-
 ant.

ant. Noscant te Gentiles ac
Hæretici, & convertantur. Ut
te omnes agnoscant, & tibi fi-
delissimè serviāt, medullitus
desidero, atq; ad majorem tui
notitiā apud alios concilian-
dam, promovendam, modis
omnibus adlaborabo. Sed da
etiam ô D E V S noticiam mei,
ut vilitatē & meum nihil, pe-
netrem! Da lumen illud, ô
J E S V Lux nostra, quod dare
soles moribundis in limine
mortis & æternitatis, consti-
tutis, ut sicut moribundus, sic
jam valens, distingvam inter
vanitatem & veritatem, inter
tempus & Æternitatē; & mea
sit voluntas jam, qualis esse
vellet in articulo illo, quo da-
mna-



mnatur præteritæ vitæ vanitas, & inspicitur Æternitas!

O B E D I A M libenter amore tui Domine, Præceptis tuis & voluntati tuæ usque ad mortem. Obediam Vicarijs tuis, quos mihi præfecisti, tam Primarijs, quàm subordinatis. Obediã executione punctuali, conformi voluntate ac judicio, tam in rebus minutis, quàm difficilibus, molestis & humilibus, viso te Exemplari, qui Obediens fuisti usque ad mortem. Non mihi vivo, sed tibi servitijsq; tuis. Contētus sum Domine amore tui hoc loco & officio, paratus ad omnia, quæcunq; mihi per Su-

peri-

periores (quos ut Vicarios tuos veneror & suspicio) vis demandare. Laudo & probo omnia, quæ Superiores statuunt ac decernunt. Volo esse tecum Domine obediens usque ad mortem, quoad longitudinem dum vivam, latitudinem in rebus omnibus, profunditatem in arduis & humilibus.

OFFERO tibi PATER
Æterne Filium tuum IESUM
Crucifixum Dominum nostrum.
vitam, sanguinem &
mortem illius, humilitatem,
obedientiã, patientiam, charitatem;
omnia CHRISTI merita,
cum omnib⁹ meritis Immaculatæ Virginis MARIE,

& o-

& omnium Sanctorum. Tibi
 primò in odorem suavitatis
 pro gloria Tua & I E S V Cru-
 cifixi honore; deinde, pro
 propagando cultu Immacu-
 latæ Matris Tuæ, Omniumq;
 Sanctorum. pro Iustis, Pecca-
 toribus, afflictis, publicis ne-
 cessitatibus & privatis; pro
 perseverantia in Tuo famula-
 tu, pro animabus in Purgato-
 rio, pro conversione pecca-
 torum Infidelium, Hæretico-
 rum. pro indiëtis præsentibus
 Precibus ac Suffragijs, &
 qui se mihi commendaverunt
 in genere vel specie &c. Pro
 gratiarum actione, satisfacti-
 one, propitiatione; pro ani-
 ma mea, pro totius Mundi

salu-

SSO

salute, in unione Oblationis
illius, quam (junctis **MARIÆ**
suspirijs) seipsum offerendo
fecit, Dominus noster **I E S U S**
C H R I S T U S.

P A V P E R esse, tuî, amo-
re volo, Domine mi ! exspo-
lians me totius Mundi posses-
sione, & nihil usurpans, nisi
quod ex concessione tua sta-
tus meus & modestia suadēs,
requirit. Si rebus utor, tan-
quam Tuis à Te mihi con-
cessis utor, & non meis ! Et
quia insuper ad Evangelicam
paupertatem Consilij, me e-
levare dignatus es : quod vo-
vi, repeto, confirmo, ac vo-
veo, re atque affectu, nihil me
velle

velle habere, nisi quod san-
 cta Mater Paupertas conce-
 serit habendum. In qua Pau-
 pertate, ut Tibi sim magis
 conformis, nihil appeto ut
 proprium de hoc mundo, nec
 de rebus ipsius. Contentus
 omnibus illis quoad victum,
 vestitum, & supellectilem,
 quæ mihi à sancta Paupertate
 præbentur. Reculas etiam
 pias, mihi non necessarias
 (quanquam & illas, quæ ne-
 cessaria aliquando apparent)
 refeco amore Tui. Supelle-
 ctilem ipsam (imò & usum
 quarumcunque rerum respec-
 tu mei) ad parcissimum nu-
 merum redigo, cum Tu mihi
 Domine sufficias. Duo si nus

o De-

Ô DEVS! Tu & ego! & nihil aliud!

NON QVERAR Ô Domine dum vivam, de ullis incommoditatibus cœli, loci, officij, valetudinis, supellectilis, victûs, vestitûs, habitationis; de sinistris interpretationibus, vilioribus opinionibus, injurijs & offensis, his vel illis Obedientiæ dispositi-
onibus. Omnia Tibi soli committo Domine, ut Tu rebus meis ad sanctum, beneplacitum Tuum, provideas. Et licet motivum se mihi offerat ad evitandas querelas ex decentia Moralis virtutis, quæ dicit factum, esse conqueri,

neq;

neque Viro dignum : ex Te
tamen hoc Motivum defumo,
amoremque Tui promitto, o-
mines me Querelas suppres-
surum. Sed neque illas factu-
rum, quas coram Prudenti-
bus expectoratio & eviscera-
tio permittit.

RESIGNO Tibi mea
omnia Domine JESU. Re-
signo corpus & animam, no-
men & famam. Resigno me-
ipsum quoad dispositionem,
ut Tu Domine de me solici-
teris, quoad omnem provi-
dentiam, protectionem, gu-
bernationem & eventum in
rebus temporalibus & spiri-
tualibus. Sub umbra alarum

Tua-

Tuarum volo vivere. Tibi
 volo esse curæ ; accipe Me-
 moriam, Intellectum, & Vo-
 luntatem ; nihil de me mihi
 reservo, omnia mea Tibi tra-
 do. Laborem & laboris præ-
 mium, omnes coronas & me-
 rita Resigno, ac transfero af-
 fectu in solam Gloriam Tuam.
 Hâc unâ in Cœlo coronâ cõ-
 tentus ero, quod omnibus
 meis meritis & coronis in Te
 translatis, Te magis glorio-
 sum videbo. Atque ut de-
 bitum servitutis meæ, quam
 Tibi debeo, explicem ; neque
 ampliùs vivere, vel laborare,
 vel mereri volo propter me,
 sed propter Te, ut Tu magis
 honoreris, lauderis, benedi-
 caris,

caris, glorificeris, in hoc mundo, & tota demum Æternitate!

S P E R O Domine in Bonitate Tua, & Misericordia Tua! Quid spero? Te ipsum! Animant me omnes illæ miserationes Tuæ, quas mecum ab infantia exercuisti, ut in æternum non cessem sperare in Te! Appello viscera Tua Paterna, appello misericordiam Tuam abyssalem, appello illum actum quo Crucifixus pro peccatoribus orabas, quo inimicis ignoscebas, quo peccatores ex visceribus Divinæ Tuæ misericordiæ salvare decernebas. Et spero in misericor-

ricordia Tua illâ, quòd & ego
 fim salvandus ; ideò ita vive-
 re volo, sicut Filij salutis vi-
 vere debent ad æternam glo-
 riam destinati, in sanctitate
 & justitia, in timore & amo-
 re, in ferventi ac fideli famu-
 latu ; Tibi soli & nulli huma-
 no respectui, omne peccatum
 fugiendo & evitando, cum
 sperantium æternam salutem
 sit non peccare. Licet autem
 efficacissimè sperem, non in
 meis meritis, sed in sola mise-
 ricordia Tua, tamen :

TIMEO Te Domine fi-
 liali timore. Timeo infini-
 tam Majestatem, & Potesta-
 tem, quâ potes in puncto, mi-

tere corpus & animam in gehennam. Timeo semper Iudicia Tua inscrutabilia, quia scire non possum, an amore sim dignus, vel odio, quid me, ultimò fiet. Idcirco constanter enitar, ut Te nunquã deinceps offendam. Scio multos non perseverasse, scio me securũ esse non posse, donec animam efflem, ob infirmitatem virium mearum, potentiam passionum, illecebrarum fraudes, suggestionũ capitales insidias. Scio, inquam, me peccatis omnibus obnoxium esse. Ideò misericordiam Tuam imploro, ut clementissime JESU sis propitius jam & deinceps mihi

C

pecca-

peccatori, ut gratiam efficacem concedas, à malis omnibus misericorditer præserve, oculos illumines, nè unquam obdormiam in morte, peccando, & disgratiam Tuam, incurrendo. quod nè fiat à parte mea, decerno ex hoc momento, timorem & reverentiam erga Te, nullo me unquam tempore derelicturum.

V O V E O sicut me Tibi obligavi, Divinæ Majestati Tuæ coram Immaculata semper Virgine MARIA Matre Tua, & Curia Tua Cœlesti universa, Paupertatem, Castitatem, & Obedientiam perpetuam. Voveo etiam. . . .
Renovo, inquam, fidem Tibi datam,

datam., 'atque hanc stabilio
nexu indissolubili. Si non
vovissem., jam voverem.
Quotiescunque minima sug-
gestio contraria menti meæ
veniet, toties Tibi vovebo,
fidemque renovabo Sponso
meo fidelissimo, & præ toto
Mundo amantissimo. Pro-
mitto insuper me non tan-
tùm vota mea observaturum,
sed strictissimis legibus coar-
ctaturum, ut nè in minimo sit
aliqua relaxatio vel dispen-
satio.

VINCAM me Domine
JESU amore tuî, in ordina-
riis integrè & ferventer faci-
endis. Vincam in actibus
heroicis, his & illis difficul-

tatibus , ad aliquam erubescentiam meam , in rebus naturæ ac propensione contrarijs; in conversatione amica & affabili cum illis à quibus offensus fui, & à quib⁹ genius meus abhorret. Vincam in rebus illis , quæ ad ruborem meum vel depressionem, aut minorem æstimationem faciunt. Vincam hanc & illam inclinationem, sensualitatem, præcipationem, pruritum, ad hoc vel illud loquendum, videndum, gustandum, interrogandum, audiendum, investigandum. Neque voluntatis appetitu, vel amoris proprii consilio, vel impetu regi volo, sed ratione

tione ac matura deliberatione, juxta normam decentiæ ac Majoris Gloriæ Divinæ. Nullam diem elabi sinam, quâ Tibi Fasciculum Myrrhæ ex victorijs internis & externis (sed Tibi soli notis) non præsentem.

Z E L V M habebo Tui Honoris & animarum salutis, quia Tu ipse propter Animas venisti, laborasti, & propter illas vitam & sanguinem dedisti. Zelum habebo Honoris Tui apud prævaricatores. Cavebo Domine, ut nulli unquam animæ malum in moribus ac vita exemplum præbeam. Vitam offeram pro conversione pec-


catorum & Hæreticorum reductione, ut ex sanguinis mei effusione, crescat messis Christianorum & Catholicorum. Conabor ad virtutem, ad amorem erga Te majorem, ad majus pro Te obsequium alios excitare tam verbo quàm exemplo. Quidquid verbo vel scripto, vel exercitatione facere potero, nulli labori parcam, ut Tibi dignè & laudabiliter ab omnibus serviat. Conabor etiam adlaborare, ut ubique mala impediam, colloquijs bonis bona implantem, corda humana ad boni aliquid pro Te faciendum de substantijs suis, exsuscitem. In administrandis ve-

dis verò Sacramentis & instru-
ctionibus, spontaneam, diu-
turnam, sedulam & indefes-
sam operam navabo, ut quàm
plurimas animas, vel præser-
vare possim, vel ex pec-
cati statu eruerè,
quæ omnia
cedant

A. M. D. G.



9171



Biblioteka Jagiellońska



stdr0013134

82